

中国第一历史档案馆 编

清廷發議「校邠廬抗議」檔案彙編

綫裝書局

K256.106.3

1
:23

中國第一歷史檔案館 編

清廷簽議「校邠廬抗議」檔案彙編

二三

綫裝書局

工部主事萬際軒謹註

校邨廬抗議簽語

公黜陟議

今歐美諸國官制皆由民間公舉以得舉多少為用
舍之準與此議適相符合特非學校大興流品澄清
之後終屬窒礙難行不然大僚之保薦孝廉方正之
鄉舉何嘗非爵人與共之意試問有一實際否故知
舉事必治其本也

汰冗員議

歷代國家之敗官制必極冗濫篇中所議皆可施行
大官太多一語尤為切中時弊大抵有一代應辦之
事即有一代官人之法即有一代應裁之官居今日
而欲求治固宜自改革官制始

免迴避議

流品太雜吏治日壞國家防制士大夫之法日益密
不特迴避一事凡吹毛求疵之處分輾轉牽掣之成
案一切皆以小人待之不知種種防制之法祇足以
病君子而不足以防小人是宜一切掃除與天下更
始而後吏治乃可言也然非自澄流品興學校不為
功

厚養廉議

迫官使貪一語道破癥結吏治不古職此之由然驟
加養廉度支又苦不給憶道光中英和奏請將各省
陋規歸公而加百官養廉當時議者以不成政體阻
之究竟各項陋規

朝廷果不知耶抑知之而故縱耶況耗羨歸公加給養

廉雍正中成案可援推而行之所益不少

許自陳議

許人自陳利弊參半不若於學校中分門別類令人
自占將來入官即以所占之門用之終身升遷調補
皆不出本門之中如習律法者祇作刑官習武事者
祇作武官之類斯衙門無不習之官官司無傳舍之

弊吏治民情兩有裨益此泰西近日通行之政亦即
三代士世其官之意也

復鄉職議

丞尉巡典之流為今最親民之官亦為今最不足輕
重之官流品猥雜鮮克自愛民生之困有自來矣夫
巡典轄治數十里亦古建國之提封也古者建國分

治而不足今乃以一猥雜小人治之庸有濟乎近世
論治者動稱保甲十家牌為良法亦思所以濟其窮
而卒鮮實效者流品太卑人心之賤之也久矣故欲
復鄉職必自重小官始欲重小官必自裁大官始顧
炎武世盛世衰之說良有以也

易吏胥議

以士人為吏本古昔舊制況今日吏胥錮習已深萬
無整飭之理而士子之多為漢唐以來所未有徧天
下館幕不能給勢且流為游說縱橫為世道人心之
患惟有以士為吏之法既有以奪胥吏之權亦可以
卹天下之士且將來入仕例案皆所素習國家無不
習吏事之官吏治自蒸蒸日上矣此一舉兩得之道

也

省則例議

則例之病天下久矣士大夫之著論省則例者亦多矣然而數百年來卒不能舉行者何也則以士大夫不能通曉則例也一言省則例仍須假手胥吏夫以胥吏所仰食之源而責令裁省能乎否乎故知以士

為吏乃今日救時之切務也

繪地圖議

圖籍所關甚大不特篇中所列諸事可資其用也即行軍打仗清疆畫界皆為國命之所係故近來泰西諸國皆設專門以儲人才孜孜講求不遺餘力亟宜仿而行之

勸樹桑議

絲茶為中國大利之所在亦中國風土人情之所習
乃近日泰西諸國講求絲茶之法反精於我因循日
久勢必至中國之利為外夷奪盡而後已興言及此
可為寒心

折南漕議

興近畿水利以省南漕乃

國家根本至計前輩名臣論之者多矣然而數百年來
迄未舉行非藉口於無費即託辭於勞民質言之直
是無人肩此鉅任耳可勝太息

罷關征議

關征在西國為入款大宗獨中國乃為弊藪非法之

弊人之弊也篇中彼善於此之議實屬眉睫之論況
近來中外通商關政又烏可罷乎

籌國用議

耕田用機器不特墾荒為然即熟田亦宜用之生齒
日繁正須賴此補救但中國耕種之人皆零星小戶
無力購辦是宜設法聯絡使之通力合作耳

節經費議

此皆

國初所宜舉行之政惜當時議者所陳為時所格遂因循以迄於今然及今猶不定制國用將益不支嘗謂本朝漏卮有四而洋務猶在其外河工也漕運也旗糧也宗祿也